

Bizilagunak laguntzen, solidaritatea nagusi

Autopista irteeran kokatzen badira ere, edozein tokitan daude euren beharra dagoenean. Gurutze Gorriak herritarren ongizateari begira lan egin du urteetan zehar eta gaur egunean ez zaie lanik falta. Krisiaren eraginez elikagai banaketari ekin zioten berriz orain dela pare bat urte. Hilabetero, Ermuko ehunetik gora pertsonak jasotzen dituzte elikagai sortak.



Elikagai Bankuak ematen die familiei behar-beharrezko elikagaiak.

Orain dela 16 bat urte hasi zuen Gurutze Gorriak elikagaiak banatzeko programa, Europar Ekonomia Komunitatearen soberakinak hartuz. Hainbat urteetan martxan egon ostean, proiektua bertan behera uztea erabaki zuten 2003an, baina krisia iritsi zen gero. Ermuko Udaleko Gizarte Zerbitzuko sailaren eskakizunez, 2012an berriz hasi ziren herriko familien artean elikagaiak banatzen eta, antza denez, zerbitzua eskaini beharrean dira oraindik.

Programari berriro ekin ziotenetik, elikagaiak jasotzen dituzten familia eta pertsonen kopurua mantendu egin da. Are gehiago, pixka bat gora egin du. Aurten, batez beste, 58 familiak (144 pertsonak) jaso dituzte elikagaiak. Urte hasieran 40 baziren (112 pertsona), abenduan 74 familia (182 pertsona) hurbildu dira elikagai bila.

Sonia Guisasaola Ermua-Eibar Gurutze Gorriko arduradunak azaltzen duenez, "Udaleko Gizarte Zerbitzuetakoek eskakizunen

kontrol zehatza daramate. Euren balorazioa pasatu behar dute familiek eta diru-sarrerarik ez dutela konfirmatu behar dute". Hori-ze azpimarratzen du arduradunak: "Argi utzi nahiko nuke kontu hori. Hona datozenek ez dute diru-sarrerarik eta hori oso kontrolatua dago". Zerbitzu sozialak zenbat familia eta bakoitzari zer eman behar zaion zehazten diete Gurutze Gorrikoek, horiek elikagai sortak prestatu eta, hu-

rrengo egunean, "diskrezio eta errespetu osoz", familiek elikagaiak jasotzen dituzte aurretik eman zaien papera aurkeztuta. "Oso ondo dago antolatuta. Laguntza hau ez zaio edonori ematen, gizarte langileen kontrola pasatu behar baitute beharra dutenek".

Herri solidariora

Elikagaien Bankuak ekartzen ditu elikagaiak, "baina urtean zehar hainbat kanpaina egiten dira he-

rrian elikagai gehiago lortzeko. Izan ere, ematen zaienarekin ezin izaten dute hilabete osoa bete". Guisasaola biziki adierazten du Ermuko biztanleria "oso solidarioa" dela. "Joan den abenduan 3.000 kg elikagai lortu genituen". Gainera, Elikagai Bankuko eta biztanleriak ematen dituen elikagaiez gain, urtero paella erraldoia egiten da herrian eta, lortutako dirua, produktu freskoak erosteko erabiltzen da. "Kontua da, Elikagai Bankuak behar-beharrezko produktuak ekartzen dituela: lekaleak, olioak, azukrea, esnea, kafea, latak... baina produktu freskorik ez". Horrela, ahalik eta laguntza osoena ematen saiatzen dira ekimeneko parte hartzaileak.

Familiek, Sonia Guisasaolaren iritziz, esker onez hartzen dituzte elikagaiak. "Hasiera batean txarto pasatzen dute, euren burua zurrizten edo justifikatzen datoz, eta horretarako guk

umorea erabiltzen dugu, irribarrea, eta egoera puntuala dela esaten diegu". Errespetua, diskrezioa eta adeitasuna beharrezkoak dira familiek gaizki ez sentitzeko. "Garrantzitsuenak eurei lan egiteko aukerak ematea da, euren bizitza hobetzea, baina zaila da. Hala ere, Gurutze Gorriak badauka horretarako programa bat martxan".

Birgizarteratzeko lanean

Urte asko daramatza martxan Gurutze Gorriaren Enplegu Planak, "nahiz eta asko eta askok ez ezagutu", arduradunaren aburuz. Hasiera batean erregularizaturiko atzeritarrei zuzendutako programa zen. Horren bitartez, lanorientabidea, prestakuntzara bideratzea eta hainbat laneratze egin zituen Gurutze Gorriak. "Tama-lez, krisia iritsi zen". Hainbat enpresa itxi ziren, bertako asko langabezia geratu zen eta 2008an



etxeetan zaintzaileak behar zituztenekin hasi ziren lanean programa honetan. "Laneratzeko asko etxe-langile eta pertsonen zainketa izan ziren", dio Guisasaolak.

2012az geroztik Gurutze Gorriak atzeritarrekin lan egiteaz gain, bertakoak ere sartu ditu bere programan. Beti ere, horiek langabezia badaude. 2014an 60 laneratze gauzatu zituzten, "oso zifra ona" Gurutze Gorriko arduradunaren iritziz.

Esan bezala, etxe-langile eta pertsona zaintzaileak laneratzean buru-belarri dabil Gurutze Gorria, baina Sonia Guisasaola haratago doa. "Industrian lan egin eta langabezia dau- den 40 urte baino gehiagoko emakumeekin lanean ari gara baita ere, zain- tzaile bezala birmoldatze- ko hainbat kurtso eskainiz, eta emaitza onak jaso di- tugu". Laneratze horiek modu legalean egiten dira, "Gizarte Segurantzaren alta

emanez eta soldata duinekin". Gainera, bide batez, dependentzia handiko pertsonak dituzten familiek ondo prestatutako zain- tzaileak edukitzeko aukera izaten dute. "Funtzionatzen jarraitu behar duen zerbait dela uste dugu, gi- zarte baztertzeko edo ego- ra ahulean ez erortzeko bi- derik onena dela uste du- gulako".

Gurutze Gorriaren lana, zentzu horretan, ez da soilik etxe-langile eta zainke- tara mugatzen. "Eduzein arlotan egiten ditugu lane- ratzeak!". Guisasaola tin- ko adierazten du Gurutze Gorriak lanean gogor jar- raituko duela beti, orain arte bezala. "Lan handia daukagu eta gero eta ba- liabide gutxiago. Boronda- te handia dago, oso langi- lea gara, baina guztiare- kin ezin dugu!". Eurek ere laguntza behar izaten du- te, gero gizarteari modu duin eta egokian lagundu ahal izateko.

Ekhi Velar

MUGA
KIDURAK
San Pelaio 4A behea
Telefonoa: 17 64 77
ERMUA

OINAK
LEIRE MAYORA
PODOLOGOIA
Erdikokale 1, 1. A
48260 Ermua
943 17 47 44

ZK

ZUZENBIDE KONTUAK

Lege eta kontu aholkularitza

Izarra Centre eraikina
Tel: 846080080
Mugikorra: 688885435
zuzenbidekontuak@gmail.com

Iberikoetan espezialistak
Mayte
Denda berria
VI Centenario 5 - ERMUA
943 172 412

NEREA IÑIGUEZ
HORTZ KLINIKA
San Inazio 4 - Ermua
943 030 512 / niklinika@gmail.com



Diskrezio eta errespetu osoz egiten da elikagai banaketa.

ARINKA OINETAKOAK
Andra, ume eta gazteentzako zapatak
Sexto Centenario, 17
ERMUA (BIZKAIA)
943 174126

Bobby Denetik zure maskotarentzat!
-Maskotenzako janaria
-Katu eta txakurrentzako osagarriak
-Maskoten autogarbiketa
-Ileapaindegia
-Hezitzailea
Tel.: 943 05 44 20
Bizkaia etorbidea, 11 - eskuma
48260 ERMUA (Bizkaia)
bobby.todoparatumascota@gmail.com